

## Tabbekveld då serieleiaren fekk revansj

Skrive av administrator

fredag 24. august 2018 21:29 - Sist oppdatert fredag 24. august 2018 22:03

---



Vestnes Varfjell hadde slått Sunndal i to klampar på rad, men fredag fekk serieleiaren i 4. divisjon solid revansj. 8-0 sto det til slutt i ein kamp der Varfjell rota det frykteleg til for seg sjøl med sjølmål, feilpasningar og balltap som førte til baklengsmål. Tor Erik Torske vart kampens store spelar. Den tidlegare KBK-spelaren fann nettmaskene fire gongar. - Me gjorde alle dei feile me var einige om før kampen at me ikkje skulle gjere, sa ein oppgitt Vestnes Varfjell-trenar etter kampen. Laget hans vart neml

Kampen starta jamnt og sjansefattig på regntunge Sande stadion. Lite skjedde framom måla før etter 20 minutt. Då heada Svein Erik Lange Male ballen rett i beina på Erling Farstad Fredriksen som sendte vertane i føringa. Kvarteret etter sto det 2-0 då ein uheldig Håkon Kjørvik beina eit innlegg i eige mål. Sunndal hadde også eit par sjansar til før pause då Varfjell-målvakt Fredrik Bergslig stoppa Torske og Svein Erik Lange Male gjorde godt for 0-1-målet då han hindra Erik Ruud Ramsli.

Andre omgang starta verst tenkeleg med eit omdiskutert mål i mot alt etter sju minutt. Linjemannen, som også var involvert i to kontroversielle situasjonar då laga møttest på Vestnes, vinka for offside. Det såg det ut som begge lag og eit samstemt publikum også var innforstått med. Dommar Roe Vidar Lien visste imidlertid betre og peika mot midtstreken. Han meinte ballen hadde vore innom eit Varfjell-bein og slik oppheva offsiden. Petter Melkild var sist på ballen.

## Tabbekveld då serieleiaren fekk revansj

Skrive av administrator

fredag 24. august 2018 21:29 - Sist oppdatert fredag 24. august 2018 22:03

---

Vestnes Varfjell greidde aldri å heve seg etter dette og Sunndal fekk etter kvart lett spel anført av Tor Erik Torske. Spissen med eliteserieerfaring blir ein viktig mann for Sunndal i kampen om opprykk etter at han meldte seg skadefri til haustsesongen. Den siste halvtimen skåra han ikkje mindre enn fire mål, og det tar ikkje noko vekk frå prestasjonen at to av dei var reine gavepakker der ballen vart servert frå høvesvis Jarle Løvik Salte og kaptein Tommy Kanishi Andreassen. Avslutningane var det uansett klasse over, særleg ein lekker lobb over ei utrusande målvakt. Innimellom fekk også Sander Grimelid sleppe til med eit flott langskot over keeper og i mål. Sunndal hadde også ei avslutning i stolpen.

Varfjell kom nærast ei redusering då Kanishi prøvde å gjere godt at si blemme med eit susande langskot som den nye Sunndal-målvakta Eirik Iversen (frå MFK) fekk fista over. På den påfølgande corneren var Knut Stian Eik farleg frampå, men trøstemålet uteblei.

Varfjell slit med ein del skadar og sjukdom for tida, og heller ikkje i kveld greidde alle å fullføre. David Sissoko måtte ut alt etter halvtime etter at han vart kroppstakla, men verka ved godt mot då me snakka med han etterpå. Forhåpentlegvis har det ikkje noko å seie for dei komande landskampane.

Neste kamp er heime mot Elnesvågen fredag kl 19.

Kampfakta:

Sunndal - Vestnes Varfjell 8-0 (2-0)

Fredag 24. august 2018 kl 19

Sande stadion, 95 tilskuarar (3 Vestnes Varfjell)

Mål:

## Tabbekveld då serieleiaren fekk revansj

Skrive av administrator

fredag 24. august 2018 21:29 - Sist oppdatert fredag 24. august 2018 22:03

---

1-0 (22) Erling Farstad Fredriksen

2-0 (34) sjølmål (Håkon Kjørvik)

3-0 (52) Petter Melkild

4-0 (58) Tor Erik Torske

5-0 (62) Sander Grimelid

6-0 (66) Torske

7-0 (80) Torske

8-0 (87) Torske

Dommar: Roe Vidar Lien, Malmefjorden

Laget (4-3-3): Fredrik Bergslid; Håkon Kjørvik, Svein Erik Lange Male, Ørjan Tangen, Magnus Nerheim (Jonas Lervik 58) - Amund Stavem (Knut Stian Eik 62.), Vegar Skare, Tommy Kanishi Andreassen - David Sissoko (Jarle Løvik Salte 31), Elling Olafsen, Markus Brudeseth